

ՄԱՐԲՍ-ԼԵՆԻՆՅԱՆ ՓԻԼԻՍՈՓԱՑՈՒԹՅԱՆ ԱՌԱՐԿԱՅԻ ՀԱՐՑԻ ՇՈՒՐՋԸ

Քննարկման առաջադրվող այս կամ այն հարցի լուծումը պետք է հիմնվի մարքսիզմ-լենինիզմի ուսմունքի ամբողջական ըմբռնման վրա, ուսմունք, որը տալիս է նոր՝ կոմունիստական աշխարհայացքի և իրականության հեղափոխական ճանաչողության ու վերափոխման գիտական մեթոդ։ Մեր կարծիքով մարքսիզմ-լենինիզմի ուսմունքի առաջ բերած աշխարհայացքային հեղափոխության բուն էությունը դեռևս ամբողջությամբ ըմբռնված չէ։ Անհրաժեշտ է տեսականորեն գիտակցել մարքսիզմ-լենինիզմի միասնական աշխարհայացքային-մեթոդաբանական հիմքը և նրա բաղկացուցիչ մասերի ընդհանուր նպատակը, բացահայտել դրանց ձևավորման ու փոխազդեցության, փոխալսյամանավորվածության տրամաբանությունը, ի հայտ բերել անձի ազատ ու ներդաշնակ զարգացումն ապահովող պայմանների ստեղծման համար հասարակության հեղափոխական վերակառուցման գործնական խնդիրների տեսական լուծման նրա մարդասիրական ուղղվածությունը, փիլիսոփայությունը, քաղաքատնտեսության և գիտական կոմունիզմի մեթոդներով այդ խնդիրների լուծման առանձնահատկությունը։

Մարքսիզմի, որպես մի ամբողջական ուսմունքի, կառուցվածքում Վ. Ի. Լենինն առանձնացրել է գիտական դիալեկտիկամատերիալիստական աշխարհայացքը՝ որպես հեղափոխական ուսմունքի տեսական-մեթոդաբանական հիմք, ժամանակակից սոցիալիզմը՝ որպես բանվորական շարժման, դասակարգային պայքարի տեսություն և ծրագիր, ինչպես նաև մարքսիզմի տնտեսագիտական ուսմունքը։ Մարքսիզմի բուն փիլիսոփայական տեսության մեջ, ըստ Վ. Ի. Լենինի, հետևողական հեղափոխական աշխարհայեցողությունը բացահայտված է հետևողական պատմական մատերիալիզմի համակարգում, դիալեկտիկայում, որը գիտություն ու տեսություն է դասակարգային պայքարի, պրոլետարիատի՝ նոր, կոմունիստական աշխարհ ստեղծողի համաշխարհային-պատմական դերի մա-

սին՝ Դրանով էլ հենց մարքսիզմի գիտական փիլիսոփայության տեսական-մեթոդաբանական արժեքայնության բովանդակային վերլուծությանն ուղղվել է բնության, հասարակության և մտածողության գիտական իմացության պատմությանը և գիտակցական հեղափոխական պրակտիկայի, հեղափոխական-պրակտիկ գործունեության պատմությանը, քանի որ «Գիտությունը Մարքսի համար եղել է պատմականորեն շարժիչ, հեղափոխական ուժ»²։ Այսպիսի մոտեցումն արդարացված է նաև մարքս-լենինյան փիլիսոփայության առարկայի, հեղափոխական ճանաչողության մեջ և պրակտիկայում նրա ֆունկցիաների վերաբերյալ հարցը քննարկելիս։ Դրա լուծումը ենթադրում է աշխարհայացքի, փիլիսոփայության և գիտության հարաբերակցության լիակատար պարզաբանում։

Ի տարբերություն փիլիսոփայության և գիտության, որոնք առաջ են գալիս մարդկային հասարակության զարգացման միայն որոշակի պատմական փուլում աշխարհայացքն առաջանում է մարդու և մարդկային գիտակցության ծագման հետ միասին։ Մարդը մարդ էր դառնում հենց այնքանով, որքանով որ զարգացնում էր իր գործնական-վերափոխիչ վերաբերմունքը արտաքին բնական իրողության ու իր հասարակական կեցության պայմանների նկատմամբ։ Իրականության մարդկային վերափոխումը հիմնվում է նպատակադրման վրա, մի այնպիսի նոր իրողության կերպարի ստեղծման վրա, որը համապատասխանում է իրականում գոյություն ունեցողի մեջ պարունակվող հնարավորություններին։ Այդ պատճառով էլ մարդկային գիտակցությունը հենց սկզբից նպատակաուղղված է իրականության՝ ոչ թե սոսկ իբրև ազկա գոյի, այլ որպես հնարավորության արտացոլմանը։ Մարդկային գիտակցության գործնական նպատակաուղղվածությունն ամեն անգամ արտացոլվում է «Ինչպե՞ս կարելի է անել» և «Ի՞նչ կարելի է անել», «Ի՞նչ կերպ կարելի է անել» հարցերի մեջ։

Եթե հենենք լենինյան այն դրույթից, որ մարդկային գիտակցությունը ոչ միայն արտացոլում է աշխարհը, այլև ստեղծում է այն, ապա գիտակցությամբ ստեղծվող աշխարհը հասարակական մարդու պահանջ-մոնքների ու շահերի տեսակետից հնարավորի և հարկավորի աշխարհն է։ Օբյեկտիվորեն գոյություն ունեցողի և հնարավորի, եղածի ու ցանկալիի երկատելուց է, որ առաջ է գալիս այն հարցը, թե ի՞նչ բան է աշխարհը։ Ինչպիսի՞ն է գիտակցության մեջ ստեղծագործվող, հարկավոր աշխարհի հարաբերությունը արտաքին անհրաժեշտությունների աշխարհի նկատմամբ։ Սա է կեցության նկատմամբ մտածողության, գիտակցության հարաբերության մասին աշխարհայացքային հարցի արմատը։

Սակայն մարդկային գիտակցությունը նպատակաուղղված է ոչ միայն բնական իրողության առարկայական աշխարհին: Նրա առարկան ոչ թե պարզապես աշխարհն է, այլ մարդու հետ հարաբերակցվող աշխարհը և աշխարհի հետ հաճախեցվող մարդը, ընդ որում մարդը՝ վերցված իբրև սեռ, որի նկատմամբ անհատն իրեն դասում է որպես տեսակ և որի հետ նա համեմատում է իր գործողությունները: Աշխարհայացքն առաջանում է ոչ միայն այն հարցադրումից, թե ինչ է աշխարհը, այլև այն, թե ինչ է մարդը: Ե՛վ մեկը, և՛ մյուսը նպատակաուղղված են գործողությանը:

Այսպիսով, աշխարհայացքն առաջ է գալիս աշխարհի, մարդու և հասարակության նկատմամբ մարդու պրակտիկ հարաբերությունների ամբողջ տարրապատկերից:

Աշխարհայացքը մարդու գիտակցության մեջ իրականության արտացոլման հասարակայնորեն մշակված ձևն է և աշխարհայացքի սուբյեկտի (հասարակության, դասակարգի, անձի) ինքնորոշման եղանակը:

Աշխարհայացքն իր արմատներն ունի մարդու հասարակական-պրակտիկ բնության մեջ, գիտակցության ստեղծագործական էության մեջ, իր կենսագործունեությունն իր կամքի, իր գիտակցության առարկա դարձնելու մարդու ունակության մեջ, այսինքն՝ գործունեության սուբյեկտի ինքնագիտակցման մեջ: Աշխարհայացքը, որպես հասարակական ինքնագիտակցության ձև, մշակում է եղած իրականության, մարդկային կեցության իմաստի, հասարակական ու անհատական կենսագործունեության զարգացման հեռանկարների, իդեալների, դրանց ապագա իրականացման միջոցների ու եղանակների ընդհանուր ըմբռնումն ու զնահատականը: Այն մարդկային գիտակցության համահավաք գիծն է, մարդու էությանը բնորոշ բոլոր կարողությունների՝ բանականության, զգացմունքների ու կամքի ածանցյալը: Աշխարհայացքը գիտելիքների սոսկ համախումբ չէ, այլև, դրա հետ միասին, մարդու սոցիալական զգացմունքները, ավելի ստույգ՝ մարդու սոցիալական զգացմունքներով հավաստվող գիտելիքները, մտքերը, պատկերացումները: Այդ պատճառով էլ աշխարհն այնպես ինչպես այն աշխարհայացքում է ներկայանում, հավասարապես և մարդըն ինքն այդ աշխարհում, զգացվում ու հաստատվում են որպես իրողություն: Մարդու ֆունկցիան է աշխարհում իր ինքնորոշումն ու ինքնահաստատումը, որը պետք է համապատասխանի այդ աշխարհի, ինչպես նաև նրանում իր ունեցած տեղի ու մասնակցության սոցիալապես մշակված ըմբռնմանը, աշխարհում կատարվող իրադարձությունների այս կամ այն զնահատականի նկատմամբ, իր կենսագործունեության որոշակի նըպատակների ու միջոցների ընտրության նկատմամբ աշխարհայացքային

դիրքորոշման ձևավորումը: Աշխարհը բացահայտվում է մարդուն վերջին-
իս աշխարհայացքի միջոցով, և այն, թե ինչպիսին է այդ աշխարհը ներ-
կայանում մարդուն, կախված է այդ աշխարհայացքից:

Այդ առումով աշխարհայացքն աշխարհը «յուրացնելու» միջոց է: Եվ
ոչ միայն այն իմաստով, որ աշխարհայացքը տալիս է աշխարհի իմացու-
թյունը, նրա ըմբռնումն ու տեսահորիզոնը, այլև այն իմաստով, որ
աշխարհայացքի մեջ աշխարհը ներկայանում է մարդու պրակտիկ և
հոգևոր գործունեության միջնորդավորված, իր վերափոխված տեսքով:
Աշխարհայացքը պարզապես աշխարհըմբռնում չէ, այլև աշխահի վերա-
փոխման գործիքն է և, միաժամանակ, այդ վերափոխման արդյունքը:

Ինչպես որ աշխարհի նյութական վերափոխման նպատակը մարդու
նկատմամբ նրա «օտարվածության» հաղթահարելն է, այն մարդկային
կենսական նպատակների ու զահանջմունքների իրականացման աշխարհի
վերածելը, այնպես էլ աշխարհայացքում աշխարհի պրակտիկ-հոգևոր
յուրացումը նշանակում է ոչ միայն մարդուն «օտար» աշխարհի կերպար-
ների, այլև նրա կենսական նպատակների, հույսերի ու ակնկալություն-
ների ազատ կենսագործման մի աշխարհի, ինչպես նաև աշխարհի այդ
«վիճակին» հասնելու միջոցների ստեղծում: Աշխարհի պրակտիկ-հոգևոր
յուրացումը կարծես թե շարունակում, լրացնում (իսկ երբեմն նաև փոխա-
րինում է նրա «պրակտիկ-նյութական» յուրացմանը: Գիտական, դիալեկ-
տիկամատերիալիստական աշխարհայացքում ապագան առաջին անգամ է
հանդես գալիս որպես աշխատավորական զանգվածների գիտակցական,
հեղափոխական պրակտիկայի գործ, որը հիմնվում է հասարակական
զարգացման օրենքների ճանաչողության, գիտական կանխատեսության,
համակողմանի հիմնավորված սոցիալիստական ու կոմունիստական ի-
դեալի վրա:

• • •

Փիլիսոփայությունը ձևավորվել է որպես ճանաչողության մի բնա-
գավառ, որի առարկան ողջ այն պրոբլեմատիկան է, որն առաջադրում
է աշխարհայացքային գիտակցությունը: Ուսումնասիրելով գիտակցության
հարաբերությունը օբյեկտիվ աշխարհին, մտածողության հարաբերու-
թյունը կեցությանը՝ փիլիսոփայությունն իր առարկան է դարձնում այն
պրոբլեմատիկան, որն առաջ է գալիս աշխարհայացքի, որպես հասարա-
կության, նրա առաջատար խավերի ու դասակարգերի գիտակցության և
ինքնագիտակցության զարգացման հիմքի վրա: Դա չի նշանակում, որ
փիլիսոփայությունը լուծում է միայն այն խնդիրները, որոնք նրան առա-

չադրում է առօրյա աշխարհայացքային գիտակցությունը, որը գոյանում է նրանից դուրս, հասարակական կյանքի անմիջական պրակտիկայի հիման վրա: Որպես աշխարհայացքային գիտելիքների տեսական զարգացման ձև, փիլիսոփայությունն ընդունակ է ու կոշված առաջ անցնելու առօրեական աշխարհայացքային գիտակցության ճանաչողական գործունեությունից, տեսականորեն առաջադրելու այնպիսի աշխարհայացքային պրոբլեմներ, որոնք արտացոլում են հասարակական պրակտիկայում կատարվող պատմական տեղաշարժերը դեռևս մինչև դրանց արտահայտվելը «արտափիլիսոփայական» աշխարհայացքում: Այս ամենով հանդերձ, փիլիսոփայությունը ծագում ու զարգանում է աշխարհայացքի զարգացման «տղիներում», աշխարհայացքային պրոբլեմատիկայի յուրացմամբ, առաջադրմամբ ու տեսական լուծմամբ:

Փիլիսոփայական ճանաչողության օբյեկտի յուրօրինակությունն այն է, որ միավորում է, միաժամանակ, և՛ գիտակցությունը (մտածողությունը)՝ օբյեկտիվ աշխարհի նկատմամբ իր հարաբերություններով, և՛ օբյեկտիվ աշխարհը՝ գիտակցության (մտածողության) նկատմամբ իր հախաբերության: Այդ հարաբերությունները գոյացել են հասարակական-պատմական պրակտիկայի ընթացքում, որը ձևավորել է մարդկային մտածողությունը, առանձնացնելով համընդհանուր և անհրաժեշտ կապերն օբյեկտիվ աշխարհում և դրանք վերածնելով մտքի ձևերի (կատեգորիաների): Մտածողության ու կեցության միասնությունն էլ հենց այդ կատեգորիալ ձևերի համընկնումն է:

Այս առումով փիլիսոփայությունը մարդկային մտածողության, նրա օբյեկտիվ բովանդակության կատեգորիալ կառուցվածքի տեսական յուրացումն է, կեցության այն ձևերի հասկացության իմացությունը, որոնք ամրագրվում են մտածողության մեջ տրամաբանական կատեգորիաներով: Ուստի բնական է, որ փիլիսոփայական ճանաչողությունը համընդհանուրի ճանաչողությունն է, աշխարհի ըմբռնումն իր համապարփակ ձևերում, ինչն էլ վերջին հաշվով փիլիսոփայությունը դարձրել է գիտություն աշխարհի շարժման ու զարգացման և նրա ճանաչողության համընդհանուր օրենքների մասին:

Փիլիսոփայությունն աշխարհայացքից տարբերվում է նրանով, որ աշխարհի ոչ թե «պրակտիկ-հոգեւոր», այլ տեսական յուրացումն է: Այս առումով փիլիսոփայությունը բուն աշխարհայացքը չէ, այլ նրա տեսական արտահայտության ու զարգացման ձևն է սոսկ: Բայց աշխարհայացքային պրոբլեմատիկան լուծելով իր տեսական միջոցներով, և դրանով իսկ, հասարակական գիտությանը մատակարարելով տեսականորեն մշակված աշխարհայացքային գիտելիքներ, փիլիսոփայությունն ինքը

Հասարակայնորեն գործառույթ է իբրև աշխարհայացքային գիտելիքների մի համակարգ, կատարում է տեսականորեն մշակված աշխարհայացքի ֆունկցիա, հանդես գալիս իբրև աշխարհայացքի տեսական դարգացման մի եղանակ, որը կազմակերպում և ընդհանրացնում է գիտական գիտելիքի համակարգը՝ այն դարձնելով գիտական աշխարհայացք, հասարակական գիտակցության ձև:

Մարքս-լենինյան աշխարհայացքը աշխարհի պրակտիկ-տեսական յուրացումն է, քանի որ այն կապիտալիզմի հեղափոխական ոլնացման, սոցիալիզմի ու կոմունիզմի կառուցման գիտական տեսությունն է: Գիտական կոմունիզմի գաղափարները մարքս-լենինյան աշխարհայացքի միջուկն են և նրա բովանդակությունը բնորոշում են իբրև հենց կոմունիստական աշխարհայացք: Այդ աշխարհայացքը մարդուն կողմնորոշում է դեպի հասարակական կյանքի պրակտիկ վերափոխումն՝ ըստ նրանում գոյություն ունեցող ու զարգացող հնարավորությունների, զինում նրան այդ հնարավորությունները բացահայտելու գիտական մեթոդաբանությամբ, ամբողջ հասարակական կյանքը գիտակցաբար կառավարելու միջոցներով:

Փիլիսոփայության աշխարհայացքային էությունն իրենով պայմանավորում է նրա դասակարգային բնույթը: Ինչպես ամեն մի աշխարհայացք, փիլիսոփայությունն իրականությունն արտացոլում է հասարակական մարդու կենսական նպատակների ու շահերի պրիզմայով: Այդ պատճառով դասակարգային հասարակության մեջ, որտեղ այդ կենսական նպատակներն ու շահերը բեռնանում են և հանդես գալիս որպես միմյանց ընդդիմակա դասակարգերի կենսական նպատակներ ու շահեր, որտեղ աշխարհայացքային դիրքորոշումն այսպես թե այնպես որոշվում է դասակարգային դիրքորոշմամբ, փիլիսոփայական ճանաչողությունն ունի գաղափարական ուղղվածություն, անթարկված է դասակարգային պայքարի նպատակներին, առաջադիմական կամ հետադիմական դասակարգերի սոցիալական ձգտումների հաստատմանն ու գաղափարախոսական հիմնավորմանը: Այստեղից էլ փիլիսոփայական ուսմունքների գաղափարախոսական բեռնացումը տարբեր ու հակադիր ուղղությունների, վերջին հաշվով՝ մատերիալիզմի և իդեալիզմի, որոնց պայքարը փիլիսոփայության պատմության ընթացքի հիմնական բովանդակությունն է:

Փիլիսոփայական ճանաչողության գաղափարական, դասակարգային ուղղվածությունը պայմանավորել է այն հանգամանքը, որ օբյեկտիվ-ճշմարիտ գիտելիքի որոնումն այստեղ մշտապես ընթանում էր ավելի բարդ ուղիներով, քան այն ճանաչողության մեջ, որն անմիջականորեն կապված չէ աշխարհայացքային պրոբլեմատիկայի լուծման հետ: Փի-

լիսոփայության մեջ ճշմարտությունը ձեռք է բերվել ու զարգացվել պատմականորեն առաջադիմական դասակարգերի զաղափարախոսությունն արտահայտող առաջավոր փիլիսոփայական ուսմունքների սուր պայքարում՝ ընդդեմ այն աշխարհայացքային կոնցեպցիաների, որոնք սպասարկում են հետադիմական կամ պահպանողական դասակարգերի շահերը, պատրանքային հակագիտական պատկերացում տալով իրականության մասին: Այդ պայքարը կուտակել է փիլիսոփայական ճանաչողության նըվաճումները փիլիսոփայական մատերիալիզմի ու դիալեկտիկայի զարգացման մեջ, որոնք պատմական տարբեր ժամանակաշրջաններում տարբեր ձևեր են ընդունել ու դիալեկտիկամատերիալիստական աշխարհըմբռնման են վերածվել պրոլետարիատի գիտական զաղափարախոսության մշակման, մարքս-լենինյան փիլիսոփայության ստեղծման հիման վրա:

Թեպետև իր էությունը, իր կոշմամբ փիլիսոփայությունը սկզբից ևեթ հանդիսացել է հասարակական գիտակցության ձև, բայց իր այդ ֆունկցիան կարողացել է իրագործել միայն գիտական փիլիսոփայություն դառնալով ու աշխատավորական զանգվածների գիտակցությանը տիրապետելով:

* * *

Մարքսիզմ-լենինիզմի դասականների ասույթները փիլիսոփայության առարկայի, փիլիսոփայության և մասնավոր գիտությունների հարաբերության, մարքս-լենինյան փիլիսոփայության վառուցվածքի, պատմության մատերիալիստական ըմբռնման էության մասին պետք է քննել՝ հաշվի առնելով մարքս-լենինյան փիլիսոփայության պատմական ձևավորման ու զարգացման տրամաբանությունը, այդ պրոցեսի արտացոլումը գիտական ճանաչողության այս կամ այն պրոբլեմի լուծման, հեղափոխական պրակտիկայի մեջ, հաշվի առնելով մարքսիզմ-լենինիզմի դասականների այս կամ այն աշխատության ընդհանուր համատեքստը: Այսպես, Ֆ. էնգելսի այն ասույթը, թե «ձենց որ յուրաքանչյուր առանձին գիտության առաջ պահանջ է դրվում՝ պարզել իր տեղը իրերի և դրանց մասին եղած գիտելիքների ընդհանուր կապակցության մեջ, այդ ընդհանուր կապակցմամբ զբաղվող որևէ հատուկ գիտություն ավելորդ է դառնում: Եվ այդ դեպքում նախկին ամբողջ փիլիսոփայությունից իր ինքնուրույն նշանակությունը պահպանում է միայն մտածողության ու նրա օրենքների ուսմունքը՝ ձևական տրամաբանությունն ու դիալեկտիկան: Ամբողջ մնացածը մտնում է բնությանը և պատմությանը վերաբերող դրական գիտության մեջ»³, պետք է հասկացվի որպես մի մոմենտ այն հարցի լուծման մեջ, թե ինչպես են կապված մատերիալիզմի, իրեն գիտական մեթոդի

և աշխարհայացքի, պատմական ձևերը, ընդհուպ մինչև դիալեկտիկական և պատմական մատերիալիզմը, և բնության ու պատմության մասին էնգելսին ժամանակակից գիտությունը, ինչպես նաև որպես պատասխան այն հարցին, թե որն է փիլիսոփայության՝ իբրև դիալեկտիկական մտածողության օրենքների, դիալեկտիկայի մեթոդի մասին առանձին գիտության առարկան: Մարքս-լենինյան փիլիսոփայությունը, հենց որպես դիալեկտիկայի մասին գիտություն (որի կառուցվածքի վրա կանգ կառնենք հատկապես), կատարում է բնության ու պատմության վերաբերյալ ժամանակակից գիտության աշխարհայացքային և մեթոդաբանական հիմքի դեր: Շրա արդեն ընդհանրապես այլևս փիլիսոփայություն չէ, այլ պարզապես մի աշխարհայացք, որն իր հաստատումը պետք է գտնի և արտահայտվի ոչ թե գիտությունների մի հատուկ գիտության մեջ, այլ ռեալ գիտությունների մեջ: Այսպիսով, փիլիսոփայությունը այստեղ «վերառված է», այսինքն՝ «միաժամանակ և՛ հաղթահարված է, և՛ պահպանված», հաղթահարված է ըստ ձևի և պահպանված՝ ըստ իր իրական բովանդակության⁴:

Դիալեկտիկական և պատմական մատերիալիզմն իբրև գիտություն երկու տարբեր մատերիալիզմներ չեն, այլ միևնույն մարքսիստական մատերիալիզմի երկու բնորոշումները, երկու որոշակիություններն են: Մատերիալիզմը մինչև վերջ հետևողական դիալեկտիկական մատերիալիզմ է դառնում հենց այն բանով, որ պատմական մատերիալիզմ է դառնում: «Մատերիալիզմը մինչև վերջ կառուցելուն» (այսինքն՝ պատմական մատերիալիզմի ստեղծմանը) համեմատ կատարվել է նաև դիալեկտիկայի մատերիալիստական վերամշակում՝ ձևավորվել է դիալեկտիկական և պատմական մատերիալիզմի ամբողջական փիլիսոփայական աշխարհայացքը:

Կ. Մարքսը, Ֆ. էնգելսը և Վ. Ի. Լենինը դիալեկտիկայի սկզբունքներն ու օրենքները դուրս են բերել հասարակական-պատմական պրոցեսների (բուրժուական հասարակության օրյեկտիվ հակասությունների, դասակարգային պայքարի, սոցիալական հեղափոխության օրենքների և այլն) տեսական ընդհանրացումից և բնագիտության զարգացման փորձից: Նրա նորագույն հայտնագործություններից: Որպես արդյունք, այդ օրենքները հանդես են գալիս իբրև կեցության և ճանաչողության համապարփակ կապեր, որպես բնության, հասարակության և մտածողության զարգացման համընդհանուր օրենքներ: Դիալեկտիկան, որպես փիլիսոփայական գիտություն, գոյաբանական, իմացաբանական ու տրամաբանական բովանդակություն ունեցող կատեգորիաների, օրենքների և սկզբունքների մի բարդ-տեսական համակարգ է: Իր այդ տարաբնույթ

բովանդակության մեջ այն հանդես է գալիս որպէս խիստ աստիճանա-
կարգված միասնութիւն, որն ընդգրկում է դիալեկտիկան, իբրև զարգաց-
ման տեսութիւն (ուսմունք բնության, հասարակութեան և մտածողու-
թյան զարգացման համընդհանուր օրենքների մասին), դիալեկտիկա-
մատերիալիստական իմացաբանութիւնը (ուսմունք սուբյեկտի և օբ-
յեկտի ճանաչողական հարաբերութիւնների մասին, որպէս ճշմարտու-
թյանն իր պատմական զարգացման մեջ հասնելու աստիճանների) և
դիալեկտիկական տրամաբանութիւնը (ուսմունք հակասաբար զարգա-
ցող իրականութեան ըմբռնման տրամաբանական ձևերի ու եղանակների
մասին)։

Միասնական դիալեկտիկամատերիալիստական գիտութեան համա-
կարգում այդ տեսական կառուցվածքների հարաբերակցութեան, փոխա-
դարձ կապի ու աստիճանակարգութեան ճիշտ ըմբռնումը մեթոդաբանա-
կան և աշխարհայացքային սկզբունքային նշանակութիւն ունի։

Դրանք համընկնում են այն բանում, որ բոլոր երեք տեսութիւնների
օբյեկտիվ բովանդակութիւնն էլ վերջին հաշիւով հանգում է ամբողջ դո-
յի զարգացման, միեւնոյն համապարփակ օրենքների հետազոտմանը։
Դիալեկտիկան, որպէս զարգացման տեսութիւն, լայն իմաստով գիտու-
թիւն է իրականութեան բոլոր բնագավառների, այդ թիւում նաև ճանա-
չողութեան զարգացման օրենքների մասին, հետևաբար և ներառում է
նաև իմացաբանութիւնը և տրամաբանութիւնը։ Ավելի նեղ իմաստով
այն զարգացման համապարփակ, իրականութեան բոլոր բնագավառնե-
րի համար միասնական օրենքների տեսութիւն է։ Ի տարբերութիւն այս
վերջինի, դիալեկտիկան որպէս ճանաչողութեան տեսութիւն (իմացա-
բանութիւն) հետազոտում է իրականութեան որոշակի բնագավառ, այն է
սուբյեկտի ճանաչողական հարաբերութիւնները օբյեկտի նկատմամբ
իրենց պատմական ու անհատական զարգացման մեջ՝ որպէս ճշմար-
տութեան իմացութեան աստիճաններ։ Իսկ դիալեկտիկական տրամաբա-
նութիւնը հետազոտում է այդ աստիճանները՝ որպէս ճանաչող մտա-
ծողութեան (հասկացութիւնների, տեսութիւնների և այլն) մեջ օբյեկտիվ
դիալեկտիկայի արտացոլման տրամաբանական ձևեր (մտածողութեան
կատեգորիաները) և օրենքներ (սկզբունքները)։ Դրանց տարբերութիւնն
այն է, որ դրանք տարբեր տեսանկյունից են ուսումնասիրում միեւնոյն
երևույթի (համընդհանուր օրենքների) գործողութեան տարբեր աղանակ-
ները։

Դիալեկտիկայի, տրամաբանութեան և ճանաչողութեան տեսութեան
միասնութեան մասին լենինյան գաղափարի էութիւնն այն է, որ փիլի-

ստիպական գիտելիքի այդ տեսանկյուններից յուրաքանչյուրը չի կարելի մշակել ու շարադրել առանց մյուսի հետ հարաբերակցման, կողք-կողքի: Դիալեկտիկայի սկզբունքները միաժամանակ և՛ աշխարհի զարգացման օրենքներն են, և՛ ճանաչողական սկզբունքները, և՛ մտածողության տրամաբանական ձևերը: Դիալեկտիկայի «եռամիասնություն» մասին լենինյան բանաձևը («հարկավոր չէ երեք բառ») վերաբերում է ոչ թե դիալեկտիկային, որպես զարգացման տեսություն այդ հասկացության լայն իմաստով, այլ դիալեկտիկական տրամաբանությանը: Մարքսիստական դիալեկտիկական մեթոդը մարքսիստական դիալեկտիկական տրամաբանությունն է իր պրակտիկ օգտագործման մեջ, «բուն դիալեկտիկան է որպես փիլիսոփայական գիտություն», «...ուսմունք մտածողության բուն պրոցեսի օրենքների մասին, տրամաբանություն և դիալեկտիկա»⁵: Դիալեկտիկայի, տրամաբանության և ճանաչողության տեսության էական միասնությունը դիալեկտիկական մատերիալիզմում հիմնվում է աշխարհի մատերիական միասնության և նրա զարգացման գաղափարների վրա, որոնք դիալեկտիկամատերիալիստական աշխարհըմբռնման հանգուցային մոմենտներ են:

Հասարակության պատմության նկատմամբ նշված սկզբունքների կիրառությունն իրենց օրգանական միասնության մեջ հասցրեց պատմության մատերիալիստական ըմբռնմանը, հասարակական զարգացման օբյեկտիվ օրենքների բացահայտմանը և գիտական սոցիալիզմի տեսության մշակմանը: Պատմության մատերիալիստական ըմբռնումը մարքսիստական իմացաբանության տեսական բաղիսն է, իսկ մարքսիստական իմացաբանությունը, իր հերթին ուստ մենասիրելով մարդու ճանաչողական գործունեության ամբողջ ոլորտը՝ վերցրած իր պատմական զարգացման մեջ, մարքսիստական դիալեկտիկական տրամաբանության իմացաբանական հիմքն է: Իր հերթին դիալեկտիկական տրամաբանությունը, որպես մտածողության դիալեկտիկական եղանակի տեսություն, պատմական մատերիալիզմի և մարքսիստական իմացաբանության տրամաբանական-մեթոդաբանական հիմքն է: Դիալեկտիկական և պատմական մատերիալիզմն իր պրակտիկ, կոմունիստական նպատակառոտղիվածությամբ հանդիսանալով կոմունիստական աշխարհայացքի փիլիսոփայական միջուկը, իր կոնկրետացումն ու դրանով իսկ հիմնավորումն է գտնում մարքսիզմ-լենինիզմի համակարգում, մարքս-լենինյան քաղաքատնտեսության և գիտական կոմունիզմի մեջ:

Գիտական դիալեկտիկան, որպես զարգացման տեսություն, հիմնվում է հասարակական զարգացման օբյեկտիվ օրենքների բացահայտման, հասարակության պատմության մասին մատերիալիստական ուսմունքի

ստեղծման, գիտական առցիալիզմի, կոմունիզմի տեսությունները: Հենց սրանցում է մատերիալիստական դիալեկտիկական գտնում իր կոնկրետ աշխարհայացքային բովանդակությունը՝ որպես զարգացման տեսություն, ու արդյունավետ իրագործում տրամաբանության և ճանաչողության տեսության իր ֆունկցիաները:

«Մատերիալիստական դիալեկտիկայի կիրառումը ամբողջ բաղադրատեսության վերամշակման նկատմամբ սկսած նրա հիմքից՝ պատմության, բնագիտության, փիլիսոփայության, բանվոր դասակարգի քաղաքականության ու տակտիկայի նկատմամբ— ահա թե ինչն է ամենից շատ հետաքրքրում Մարքսին ու էնգելսին, ահա թե ինչումն են նրանք ներդնում ամենից էականն ու ամենից նորը, ահա թե որն է նրանց հանձարեղ առաջընթաց քայլը հեղափոխական մտքի պատմության մեջ»:

Դրանով իսկ բացահայտվում է մարքս-էնգելսյան տեսության համակարգի ելակետային սկզբունքների, ժալվաման մեթոդաբանության միասնությունը, որի հիմքում ընկած է դիալեկտիկական և պատմական մատերիալիզմի փիլիսոփայությունը որպես «...Դիալեկտիկական մեթոդի և կոմունիստական աշխարհայացքի»⁷ «...մատերիալիստական-դիալեկտիկական աշխարհայացողության»⁸ շարադրանք:

* * *

Գիտության իդեալն է այնպիսի գիտելիքը, որը լիովին բացառում է ճանաչող սուբյեկտին: Այն ձգտում է ստեղծել օբյեկտի մոդելը, որի մեջ լիովին բացառված լինի սուբյեկտից եկող ամեն բան: Իհարկե, գիտությունը երբևէ չի կարող հասնել այդ իդեալին, քանի որ ինչքան շատ է նա խորանում օբյեկտի մեջ, այնքան ավելի բարդ են դառնում նրա արտացոլման, վերացարկման ու համադրման ձևերը: Եվ միայն արդյունքի, «գումարի», վերացարկումների համակարգի մեջ է գիտությունը հասնում օբյեկտին իր օբյեկտիվ հատկություններով:

Հակասությունն այն է, որ ձգտելով տալ օբյեկտի՝ սուբյեկտից լիովին հեռացած պատկերը, գիտությունն իր ամեն շարժումով կրկին ծնում է օբյեկտիվի նկատմամբ սուբյեկտիվի հարաբերության պրոբլեմը: Ամեն նոր օբյեկտ ենթադրում է իր ըմբռնման նոր ձևերի մշակում: Եվ այդ ժամանակ անհրաժեշտ է դիմել գիտելիքների ամբողջ ժալվալին, որը կենտրոնանում է փիլիսոփայության սկզբունքների ու կատեգորիաների մեջ: Այդ պատճառով էլ գիտական ճանաչողությունը չի կարողացել ու երբեք չի կարող ունալ գոյություն ունենալ առանց փիլիսոփայության, որովհետև գիտական ճանաչողությունն ինքն է յուրաքանչյուր նոր փուլում

ծնում այնպիսի պրոբլեմ, որը կապված է իրականության իմացության փոխոստիայական եղանակի հետ:

Այդ առումով փոխոստիայությունը գիտության ընդհանուր մեթոդաբանությունն է ու նրա տեսական ինքնագիտակցությունը: Այն գիտությունից դուրս է, այլ նրա օրգանական բաղադրամասն է ու դրա հետ միասին, որպես աշխարհի ու նրա ճանաչողության շարժման և զարգացման համընդհանուր օրենքների հասկացություն-կատեգորիալ գիտելիք, օրելիությունը ճշմարիտ և գիտականորեն հիմնավորված իմացություն, նա գիտության ստեղծողն է:

Սակայն մարքսիստական-լենինյան փոխոստիայության՝ դիալեկտիկական և պատմական մատերիալիզմի առաջացման ու զարգացման աստիճանում էլ փոխոստիայությունը պահպանում է հասարակական գիտակցության առանձին ձևի իր նշանակությունը և տարբերվում գիտությունից այն իմաստով, որ այն աշխարհայացքի տեսական զարգացման եղանակ է, գիտական գիտելիքի համակարգը գիտական աշխարհայացքի, հասարակական գիտակցության ձևի վերածելու և ընդհանրացնելու միջոց: Գիտական ճանաչողության մեջ փոխոստիայությունը մեթոդաբանական ֆունկցիա է կատարում իր աշխարհայացքային գիտելիքների մամուլը համակարգում, ընդ որում՝ դրանց միջոցով կադմակերպված վոնկրենտ գիտական աշխարհայացքային գիտելիքի հետ միասնության մեջ: Այստեղ ևս պետք է ընդգծել, որ փոխոստիայությունը կարող է կատարել գիտական ճանաչողության ընդհանուր մեթոդաբանության ֆունկցիա, քանի որ հասարակական գիտակցության ձև է, տեսականորեն զարգացած աշխարհայացք: Ճանաչողության սուբյեկտի գիտակցության մեջ այն որպես մեկ միասնություն է սինթեզում աշխարհի պատկերը և նրանում ճանաչողության օրելիության առանձնացումը ոչ միայն անցյալի գիտական փորձի, այլև ողջ հոգևոր մշակույթի՝ գեղարվեստականի, բարոյականի և բուն աշխարհայացքայինի նվաճումները:

Առանձին ճանաչող անհատի նկատմամբ գիտությունը և փոխոստիայությունը, որպես հասարակական գիտակցության ձև, գոյություն ունեն առանձին-առանձին, կողք-կողքի, բայց միայն այն ժամանակ, երբ նա դրանք ուսումնասիրում կամ դարձնում է իր խորհրդածության (ռեֆլեքտիայի) առարկա: Իսկ երբ նա զբաղված է գիտական որոնումով կամ մտորում է աշխարհում այս կամ այն իրադարձության մասին, յուրացված փոխոստիայական և վոնկրենտ-գիտական աշխարհայացքային գիտելիքները ենթագիտակցաբար գործում են որպես նրա սեփական գիտակցություն: Եվ հենց այդ պատճառով, որ դրանք նրա գիտակցությունն են,

նրա Ծս-ի անօրգանական բնության մեջ են մտել, նա այդ մասին չգիտի, այդ բանը չի գիտակցում: Այստեղ մենք գործ ունենք անմիջական գիտակցության և այդ գիտակցության գիտակցման տարբերության երևույթի հետ: Պրակտիկայում հնարավոր են այնպիսի իրավիճակներ, երբ սուբյեկտը, ղեկավարվելով որոշակի աշխարհայացքային սկզբունքներով և չգիտակցելով այդ, հայեցողության մեջ դրանց վերաբերվում է որպես իրենից օտարված մի երևույթի: Դրա հետ է կապված աշխարհայացքային որոշակի շտաբերակվածությունը (սինկրետությունը), նրա ներբախումներն ու հակասությունները, որոնք հատուկ են առանձնապես հակամարտ դասակարգային հասարակությանը: Այդ հակասությունների հաղթահարումը հնարավոր է ժամանակակից գիտության օրյեկտիվ բովանդակությանը համապատասխան փիլիսոփայության և առաջավոր, սոցիալիստական հոգևոր մշակույթի յուրացմամբ:

Մարքսիզմ-լենինիզմի, որպես աշխարհը աշխատավորական զանգվածների օգտին հեղափոխականորեն վերափոխելու տեսության և պրակտիկայի, առաջացումով գիտական փիլիսոփայական ճանաչողության արդյունքները դառնում են այդ զանգվածների սեփականությունը, հանդես են գալիս որպես նրանց գիտական կոմունիստական աշխարհայացքի ձևավորման տեսական միջոցներ:

В. И. ШИНКАРУК

К ВОПРОСУ О ПРЕДМЕТЕ МАРКСИСТСКО-ЛЕНИНСКОЙ ФИЛОСОФИИ

Резюме

Философия отличается от мировоззрения тем, что она является не «практически-духовным», а теоретическим освоением мира. В этом плане она — не само мировоззрение, а форма его теоретического выражения и развития. Но, решая своими, теоретическими средствами мировоззренческую проблематику, и тем самым, поставляя общественному сознанию теоретически разработанные мировоззренческие знания, философия сама общественно функционирует как система мировоззренческих знаний, выполняет функцию теоретически разработанного мировоззрения, является способом теоретического развития мировоззрения, средством организации и обобщения системы научного знания в научное мировоззрение, форму общественного сознания.

С возникновением марксизма-ленинизма как теории и практики революционного переустройства мира в интересах трудящихся

масс, результаты научного философского познания становятся достоянием этих масс, выступают как теоретические средства формирования и развития у них научного коммунистического мировоззрения.

¹ Վ. Ի. Լենին, *Ելժ*, հ. 26, էջ 54—55:

² К. Маркс, Ф. Энгельс, Сочинения, 2-е изд., т. 19, էջ 351.

³ Յ. Էնգելս, *Անտի-Դյուրինգ*, Երևան, 1967, էջ 31—32:

⁴ *Նույն տեղում*, էջ 185:

⁵ К. Маркс, Ф. Энгельс, Сочинения, 2-е изд., т. 21, էջ 316.

⁶ Վ. Ի. Լենին, *Ելժ*, հ. 24, էջ 320—321:

⁷ Յ. Էնգելս, *Անտի-Դյուրինգ*, էջ 10:

⁸ Վ. Ի. Լենին, *Ելժ*, հ. 26, էջ 90: